



KENYATAAN MEDIA

YB DATUK SERI PANGLIMA WILFRED MADIUS TANGAU
MENTERI SAINS, TEKNOLOGI DAN INOVASI
JULAI 2017

MOSTI BANTU GOLONGAN PETANI TINGKATKAN MUTU PADI

PUTRAJAYA, JULAI – Pemutuan padi merupakan satu proses dalam perusahaan padi bagi menjamin aspek penggredan dan kualiti bijian padi. MOSTI melalui Jabatan Standard Malaysia (Standards Malaysia) telah menyemak semula kandungan Malaysian Standard (MS) 84 - Padi (*Oryza Sativa L.*) – Spesifikasi. MS 84 ini merupakan penanda aras kepada kualiti padi keluaran tempatan. Ini bagi membantu para petani untuk mendapatkan kaedah pemutuan yang lebih baik seterusnya mendapatkan harga yang bersesuaian dengan mutu padi yang dapat diterima oleh semua pihak.

MS 84 juga merupakan antara dokumen yang dirujuk oleh pihak Kementerian Pertanian dan Industri Asas Tani dalam *Standard Operating Procedure* (SOP) Kaedah Pemutuan Sebenar Padi yang digunakan oleh pihak BERNAS sebagai pembeli dan pengilang padi. SOP tersebut akan diperluaskan penguatkuasaannya kepada pemegang lesen pembeli padi dan pengilang yang lain supaya SOP ini

diseragamkan. Pembangunan MS 84 ini adalah selari dengan Akta Kawalan Padi dan Beras 1994 (Akta 522) dan peraturan-peraturan yang berkaitan dengannya.

Dengan adanya standard ini, ia memberi faedah kepada semua golongan dalam rantaian penghasilan bijian padi sehingga pembelian beras. Standard ini memberi panduan kepada para petani bagaimana untuk menghasilkan bijian padi yang mematuhi spesifikasi seterusnya memberikan peningkatan hasil kepada mereka. MS 84 juga dapat meningkatkan keyakinan penjual dan pembeli terhadap mutu beras yang berada di pasaran.

Sehingga kini, terdapat 5,296 MS merentasi pelbagai sektor industri yang telah dibangunkan di bawah MOSTI melalui Jabatan Standard Malaysia dan sebanyak 227 MS adalah dalam sektor pertanian



Datuk Seri Panglima Wilfred Madius Tangau
Menteri Sains, Teknologi dan Inovasi



Unit Komunikasi Korporat
Kementerian Sains, Teknologi dan Inovasi
Malaysia
Phone: 03-8885 8141, Fax: 03-8890 3092

Unit Pembangunan Standard Kebangsaan
Bahagian Standardisasi
Jabatan Standard Malaysia
No. Telefon: 03-8318 0002
Emel: unitstd@jism.gov.my